

***PRAVILNIK
O VIDEONADZORNOM SISTEMU
U JAVNOJ USTANOVI PETA GIMNAZIJA***

Na osnovu člana 21.a Zakona o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11,) a u skladu sa Pedagoškim standardima i normativima za srednje obrazovanje („Službene novine KS“ broj 23/04, i) Školski odbor JU Pete gimnazije“ na 32. sjednici, održanoj dana 10.06.2020. godine, donio je

PRAVILNIK O VIDEONADZORNOM SISTEMU U JAVNOJ USTANOVI PETA GIMNAZIJA

I PREDMET PRAVILNIKA

Član 1.

Pravilnikom o videonadzornom sistemu u JU Peta gimnazija (u daljnjem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama škole i u dvorištu škole i opseg podataka.

II ODLUKA O VIDEONADZORNOM SISTEMU

Član 2.

Školski odbor JU Pete gimnazije donosi odluku o uvođenju videonadzornog sistema u JU Petoj gimnaziji.

Član 3.

Bliže odredbe o uspostavi, svrhi, upotrebi, zaštiti i obradi ličnih podataka i završnim odredbama vezanim za videonadzor definišu se ovim Pravilnikom.

III ZAKONSKI OKVIR

Član 4.

Zakon o zaštiti ličnih podataka Bosne i Hercegovine član 21.a predviđa uspostavu videonadzornog sistema.

Član 5.

U skladu sa Pedagoškim standardima i općim normativima za srednje obrazovanje predviđena je uspostava odgovarajućeg videonadzornog sistema u srednjim školama.

IV SVRHA VIDEONADZORNOG SISTEMA

Član 6.

Svrha uspostavljanja videonadzornog sistema u JU Peta gimnazija jeste:

- neophodna optimizacija sigurnosti učenika, uposlenika, roditelja i posjetioca škole, u toku nastavnog procesa u prostoru škole i školskog dvorišta;
- sigurnost objekta i imovine škole u periodu kada se ne izvodi nastavni proces (noćni sati, vikendi, neradni dani i blagdani, periodi kolektivnih godišnjih odmora);

- u svrhe obezbjeđenja poštivanja sigurnosti iz Pravilnikom o kućnom redu JU Pete gimnazije.

Član 7.

Dozvoljena je upotreba videonadzornog sistema u smislu vođenja evidencija u skladu sa članom 43. Zakona o radu Federacije Bosne i Hercegovine.

V OPSEG PODATAKA VIDEONADZORA

Član 8.

Videonadzorni sistem škole obuhvata:

- Unutrašnje kamere i vanjske kamere.
- Nadzorne kamere imaju IR noćno snimanje i osjetljive su na pokret.
- Uređaji za pohranu videozapisa deponuju i arhiviraju videozapise u trajanju minimalno mjesec dana.
- Videozapisi, koji nisu predmet obrade ličnih podataka u skladu sa članom 17. ovog Pravilnika, brišu se nakon 6 mjeseci.

Član 9.

Unutrašnje kamere pokrivaju glavne koridore, hodnike i komunikacije unutar škole kao i hodnik u prostorijama uprave škole gdje se deponuju matične knjige, registri i dokumentacija od trajnog značaja za rad škole.

Poseban unutrašnji nadzorni sistem čine kamere sa ciljem zaštite dokumentacije trajne vrijednosti (matične knjige, registri, ljetopis škole), dokumentacije koja se smatra poslovnom tajnom, ličnih podataka o učenicima, roditeljima i uposlenicima, pečata škole, blagajne kao i arhive podataka videonadzornog sistema.

Videonadzorni sistem is stava 2. ovoga člana koristi se i u svrhe predviđene članom 6. ovoga Pravilnika.

Na ulazu u svaki od ureda pokrivenih videonadzorom iz stava 2. ovoga člana obavezno stoji istaknuto upozorenje „Prostor pod videonadzorom“.

Član 10.

Vanjske kamere pokrivaju prostor dvorišta škole, ulaze u školsko dvorište i prostor školskog igrališta.

Član 11.

Na ulazu u školu i oko školskog dvorišta postavljaju se vidljivi znaci obavijesti: **PAŽNJA OBJEKAT POD VIDEONADZOROM.**

Znak na samom ulazu u školu sadrži i kontakt telefone preko kojih se mogu dobiti opće informacije o videonadzoru.

VI UPOTREBA PODATAKA

Član 12.

Uređaji za snimanje (hard disc-ovi) i administrativni centar kontrole i obrade podataka nalazi se u kancelariji direktorice škole, koja je kontrolor videonadzornih sistema škole.

Direktorica škole može ovlastiti pedagoga i sekretara škole, kao i drugog uposlenika škole, da imaju pristup videonadzornom sistemu (u realnom vremenu ili pristup arhivi podataka) u svojstvu obrađivača podataka.

Član 13.

- a) Kontrolor videonadzornog sistema jeste direktorica škole kao odgovorno lice.
- b) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 21.a Zakona o zaštiti ličnih podataka Bosne i Hercegovine.
- c) Podacima u smislu stava b) ovoga člana ovlašteno lice, u skladu stava a) ovoga člana, ima u prostorijama škole ili putem IP veze sa druge lokacije ili mobilnog uređaja.

Član 14.

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje validnog naloga.

Član 15.

Monitoring u realnom vremenu, u smislu obrade podataka, imaju i noćni /dnevni čuvari u prostoriji pomoćno-tehničkog osoblja te lica koja ovlasti direktor škole. Obradu podataka, u smislu navedenom u stavu 1 ovoga člana, nemaju drugi zaposlenici škole koji imaju pristup prostoriji pomoćno-tehničkog osoblja.

VII ZAŠTITA LIČNIH PODATAKA

Član 16.

U skladu sa članom 21.a Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:

- a) Snimci pohranjeni putem videonadzora na određenom prostoru na osnovu kojih se može identifikirati nosilac podataka predstavljaju zbirku ličnih podataka.
- b) Kontrolor koji vrši videonadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioca podataka, ako videonadzor nije propisan zakonom.
- c) Kontrolor koji vrši videonadzor dužan je na vidnom mjestu istaći obavještenje o vršenju videonadzora i kontakt putem kojeg se mogu dobiti pojedinosti o videonadzoru

Direktorica, kao ni bilo koja druga osoba, ne smije koristiti podatke o osobama prikupljene videonadzornim sistemom zaštite izvan njihove zakonske namjene, a raspolaganje snimkama dopušteno je samo direktorici škole.

Član 17.

Evidencija nad zbirkom ličnih podataka u smislu tehničke izvedbe videonadzornog sistema (arhivski videozapisi) definiše se članom 13. Zakona o zaštiti ličnih podataka Bosne i Hercegovine.

Evidencija nad zbirkom ličnih podataka nalazi se kod direktorice škole (kontrolora videonadzornog sistema) pod nazivom „JU Peta gimnazija“ - Video nadzor obrada podataka“ u elektronskoj formi.

Evidencija iz stava 2 ovoga člana sadrži obrađene lične podatke koje kontrolor procjeni da bi mogli biti od značaja u skladu sa članom 6 ovoga Pravilnika.

Član 18.

Pravilnik podrazumijeva poštivanje člana 30. Zakona o radu u Federaciji Bosne i Hercegovine, koji se odnosi na postupanje sa ličnim podacima radnika.

VIII PRELAZNE I ZAVRŠNE ODREDBE

Član 19.

Ovaj Pravilnik stupa na snagu osmog dana od dana objave na oglasnoj ploči Škole.

Član 20.

Za tumačenje odredbi ovog pravilnika nadležan je Školski odbor.

Član 21.

Javnost se upoznaje sa sadržajem ovoga Pravilnika putem službene web stranice škole.



Broj:01-03-1113/2020

Datum: 12.06.2020. godine

*Pravilnik je objavljen na oglasnoj ploči i internet stranici škole
dana _____*

Bosna i Hercegovina
Federacija Bosne i Hercegovine
Kanton Sarajevo
JU Peta gimnazija
Senada Poturka Senčija bb, 71000 Sarajevo
Tel/fax: 033/235-521 centrala: 033/768-880



Bosnia and Herzegovina
Federation of Bosnia and Herzegovina
Canton Sarajevo
High School Peta gimnazija
Senada Poturka Senčija bb, 71000 Sarajevo
Tel/fax: 033/235-521 operator: 033/768-880

Broj: 01-03-1113/2020

Datum: 12.06.2020.godine

Na osnovu člana 143. Zakona o srednjem obrazovanju („Sl. novine Kantona Sarajevo“ Broj: 23/17 i 33/19) i člana 114 Pravila Pete gimnazije, a na prijedlog direktorice škole broj: 01-660/2020 od 01.04.2020, Školski odbor na svojoj 32. sjednici održanoj 10.06.2020. godine donosi

ODLUKU O USVAJANJU PRAVILNIKA O VIDEONADZORNOM SISTEMU U JU PETA GIMNAZIJA

I

Usvaja se Pravilnik o videonadzornom sistemu u JU Peta gimnazija

II

Odluka stupa na snagu sa danom donošenja



Predsjednik Školskog odbora:

JUSUF VATREŠ

Dostavljeno:

1. Direktor
2. Rukovaocu nastavnom tehnikom
3. Sekretaru
4. Oglasna ploča
5. A/A